

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-220/11  
Sarajevo, 26.03.2011. godine

## ZAPISNIK

### 1. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 26. marta 2011. godine

Sjednica je počela u 10.35.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Predsjedavajuća je pozdravila delegate, predsjednika Federacije BiH Živka Budimira, potpredsjednika Federacije BiH Mirsada Kebu, premijera Federacije BiH Nermina Nikšića, zamjenike premijera Jerku Ivankovića-Lijanovića i Desnicu Radivojevića, ministre u Vladi Federacije BiH, predstavnike udruženja branitelja te predstavnike akreditiranih medijskih kuća koji prate rad sjednice.

Čestitala je Vladi Federacije na izboru poželjevši uspješan rad.

Izostanak sa sjednice opravdala je Mira Jurić.

Na osnovu evidencije Stručne službe, predsjedavajuća je konstatovala da sjednici prisustvuje 30 delegata, što čini većinu, te Dom naroda može raditi i punovažno odlučivati.

Predsjedavajuća je obavijestila delegate da je Vlada Federacije BiH dostavila Prijedlog Budžeta Federacije BiH za 2011. godinu i Prijedlog Zakona o izvršavanju Budžeta Federacije BiH za 2011. godinu sa prijedlogom da se razmatraju po hitnom postupku, te je pozvala delegate da se izjasne da li prihvataju da se ovi akti razmatraju po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH jednoglasno (30 glasova) prihvatio da se Prijedlog Budžeta Federacije BiH za 2011. godinu i Prijedlog Zakona o izvršavanju Budžeta Federacije BiH za 2011. godinu razmatraju po hitnom postupku.

Nakon toga predsjedavajuća je podsjetila delegate da je Vlada Federacije uz Prijedlog Budžeta dostavila i Prijedlog finansijskih planova

vanbudžetskih fondova za 2011. godinu i Prijedlog plana razvojnih projekata u Federaciji BiH 2011.-2013. godina.

Budući da je premijer Federacije BiH na sjednici Predstavničkog doma prihvatio da se Prijedlog plana razvojnih projekata u Federaciji BiH 2011.-2013. godina razmatra u formi informacije, predsjedavajuća je predložila Domu naroda da se ovaj plan također razmatra kao informacija, što su delegati i prihvatili.

Kako nije bilo prijedloga za izmjenu i dopunu predloženog dnevnog reda predsjedavajuća je konstatovala da su delegati jednoglasno (30 glasova) usvojili sljedeći:

## DNEVNI RED

1. Prijedlog Budžeta Federacije BiH za 2011. godinu –hitni postupak,
  - a) Prijedlog finansijskih planova vanbudžetskih fondova za 2011. godinu,
  - b) Informacija o planu razvojnih projekata u Federaciji BiH 2011.-2013. godina,
2. Prijedlog Zakona o izvršavanju Budžeta Federacije BiH za 2011. godinu –hitni postupak,
3. Dokument okvirnog Budžeta Federacije BiH za period 2011.-2013. godina.

### **1. Prijedlog Budžeta Federacije BiH za 2011. godinu**

Prijedlog Budžeta dostavila je Vlada Federacije BiH.

Vlada Federacije naknadno je dostavila 10 amandmana koji su postali sastavni dio Prijedloga Budžeta.

Predsjedavajuća je podsjetila delegate da je Dom naroda u prethodnom postupku odlučio da Plan razvojnih projekata u Federaciji BiH 2011.-2013. godina razmatra kao informaciju.

Predstavnički dom je na 3. vanrednoj sjednici od 25. marta 2011. godine usvojio Prijedlog Budžeta Federacije BiH za 2011. godinu sa 10 amandmana Vlade Federacije koji su postali sastavni dio Prijedloga Budžeta sa finansijskim planovima vanbudžetskih fondova za 2011. godinu. Također, Predstavnički dom je prilikom usvajanja Budžeta usvojio i Zaključke.

Na Prijedlog Budžeta jedan zajednički amandman podnijeli su Daliborka Milović, Vesna Nemeć–Klisura i Mustafa Kurtović.

Prijedlog Budžeta obrazložili su premijer Nermin Nikšić i federalni ministar finansija Ante Krajina.

U pretresu su učestvovali: Mira Ljubijankić, predsjednica Kluba delegata srpskog naroda, Adnan Jupić, Ivo Divković, predsjednik Kluba delegata hrvatskog naroda, Vesna Nemeć-Klisura, Branislav Crnogorac, Daliborka Milović, premijer Nermin Nikšić koji je izjavio da ne prihvata amandman

Mustafe Kurtovića, Vesne Nemeć-Klisure i Daliborke Milović, Amir Zukić, Amel Hadžiabdić, Dževad Rađo i Mustafa Kurtović predložili su da Dom naroda donese zaključke koje su pročitali.

Mustafa Kurtović je, ispred predlagača amandmana, izjavio da će odustati od podnesenog amandmana uz uvjet da se usvoji zaključak koji je pročitao.

Potom se prešlo na glasanje o predloženim zaključcima.

Na osnovu rezultata glasanja, predsjedavajuća je konstatovala da je Dom naroda jednoglasno (30 glasova) usvojio Zaključak koji je predložio Amir Zukić ispred Kluba delegata bošnjačkog naroda, a koji glasi:

### **Z A K L J U Č A K**

Zadužuje se Vlada Federacije BiH da prilikom izvršavanja Budžeta Federacije BiH za 2011. godinu, a imajući u vidu teško ekonomsko stanje u Bosansko-podrinjskom kantonu – Goražde, Kantonu 10 i Posavskom kantonu stavi u prioritet realizaciju sredstava planiranih na ekonomskom kodu 614000 kako bi se osigurale osnovne funkcije ovih kantona u skladu sa Ustavom Federacije BiH.

Na osnovu rezultata glasanja, predsjedavajuća je konstatovala da je Dom naroda jednoglasno (30 glasova) usvojio Zaključak koji je predložio Amel Hadžiabdić a glasi:

### **Z A K L J U Č A K**

Zadužuje se Vlada Federacije BiH da u Rebalansu Budžeta Federacije BiH za 2011. godinu kao i u Dokumentu okvirnog Budžeta Federacije BiH za period 2011.-2013. godina planira sredstva za dovršenje gradnje srednjoškolskog Centra u Travniku kako bi se ispoštovala Odluka Doma za ljudska prava koja je postala pravomoćna 2003. godine, kao i Protokol koji su potpisali Vlada Federacije BiH i Vrhbosanska nadbiskupija.

Na osnovu rezultata glasanja, predsjedavajuća je konstatovala da je Dom naroda, sa 29 glasova za i uz jedan uzdržani glas, usvojio Zaključak koji je predložio Dževad Rađo a glasi:

### **Z A K L J U Č A K**

Zahtijeva se od Vlade Federacije BiH da osigura redovne isplate i prinadležnosti braniteljskim populacijama bez smanjenja i da se u rebalansu budžeta Federacije BiH osiguraju potrebna finansijska sredstva za te namjene.

Na osnovu rezultata glasanja, predsjedavajuća je konstatovala da je Dom naroda, sa 29 glasova za, usvojio Zaključak koji je predložio Klub delegata bošnjačkog naroda, a koji je pročitala Hanka Vajzoviću i glasi:

### Z A K L J U Č A K

Zadužuje se Vlada Federacije BiH da prilikom utvrđivanja rebalansa budžeta Federacije BiH planira sredstva za Fondaciju Vlade Federacije BiH za održivi razvoj „Odras“ kao doprinos Federacije BiH u implementiranju projekata u lokalnim zajednicama i kantonima.

Na osnovu rezultata glasanja, predsjedavajuća je konstatovala da je na prijedlog Amira Zukića Dom naroda, sa 29 glasova za, usvojio Zaključke Predstavničkog doma koji glase:

### Z A K L J U Č C I

Zadužuje se Vlada Federacije BiH da poduzme sve mjere i aktivnosti u okviru svojih nadležnosti kako bi se osiguralo učinkovitije i sveobuhvatnije prikupljanje budžetskih prihoda Federacije BiH prema svim zakonskim osnovama.

Zadužuje se Vlada Federacije BiH da u roku od 90 dana Parlamentu Federacije BiH podnese temeljit Rebalans Budžeta Federacije BiH za 2011. godinu kojim će kvalitetnije riješiti sva bitna pitanja koja su vezana uz budžet.

Nakon toga prešlo se na glasanje o Prijedlogu Budžeta Federacije BiH za 2011. godinu sa finansijskim planovima.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH jednoglasno (30 glasova) usvojio Prijedlog Budžeta Federacije BiH za 2011. godinu sa finansijskim planovima vanbudžetskih fondova za 2011. godinu.

Prijedlog Budžeta usvojen je u tekstu kako ga je usvojio i Predstavnički dom Parlamenta Federacije BiH.

### **b) Informacija o planu razvojnih projekata u Federaciji BiH 2011.-2013. godina**

Predstavnički dom je na 3. vanrednoj sjednici od 25. marta 2011. godine primio na znanje ovu Informaciju.

Informaciju je obrazložio Ante Krajina, federalni ministar finansija.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova, primio na znanje Informaciju o planu razvojnih projekata u Federaciji BiH 2011.-2013. godina.

## **2. Prijedlog Zakona o izvršavanju Budžeta Federacije BiH za 2011. godinu**

Prijedlog Zakona dostavila je Vlada Federacije BiH.

Naknadno je Vlada Federacije dostavila dva amandmana koji su postali sastavni dio Prijedloga Zakona.

Predstavnički dom je na 3. vanrednoj sjednici, održanoj 25. marta 2011. godine, usvojio Prijedlog Zakona o izvršavanju Budžeta Federacije BiH za 2011. godinu sa dva amandmana Vlade Federacije koji su postali sastavni dio Prijedloga Zakona.

Prijedlog Zakona obrazložio je Ante Krajina, federalni ministar finansija.

U pretresu su učestvovali Ivo Divković i ministar Ante Krajina.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, usvojio Prijedlog Zakona o izvršavanju Budžeta Federacije BiH za 2011. godinu.

Prema tome, Prijedlog Zakona o izvršavanju budžeta usvojen je u istovjetnom tekstu kako ga je usvojio i Predstavnički dom Parlamenta Federacije BiH.

## **3. Dokument okvirnog Budžeta Federacije BiH za period 2011.-2013. godina**

Ovaj dokument Vlada Federacije dostavila je Parlamentu Federacije radi informiranja.

Predstavnički dom je na 3. vanrednoj sjednici, održanoj 25. marta 2011. godine, primio na znanje Dokument okvirnog Budžeta Federacije BiH za period 2011.-2013. godine.

Dokument je obrazložio Ante Krajina, federalni ministar finansija.

U pretresu niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, primio na znanje Dokument okvirnog Budžeta Federacije BiH za period 2011.-2013. godina.

Sjednica je završena u 13.10.

Transkript i prijepis transkripta sjednice čine sastavni dio Zapisnika.

SEKRETAR

Izmir Hadžić

PREDSJEDAVALA

Karolina Pavlović